

20.09.2023թ.

ք. Երևան

13.09

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 630072/02
ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ



Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 18.09.2023 թվականի թիվ **630072** վարչական իրավախախտման վերաբերյալ արձանագրությունը, քննելով թիվ **630072** վարույթը և կից նյութերը,

ՊԱՐԶԵՑԻ

«ՌՈՒԲԻՆԱՐ» ՍՊԸ-ի տնօրեն Սեդա Կարապետյանը (ՀՎՀՀ՝ 00460786, ՀԾՀ՝ 6704810242) ՀՀ օրենսդրությամբ սահմանված ժամկետում չի վճարել հարկերը, որի հետևանքով կազմակերպության պարտավորությունները ՀՀ պետական բյուջեի նկատմամբ առ 24.07.2023թ-ի դրությամբ կազմում են 11420732 դրամ, որից 11374964 դրամը առաջացել է 2023թ-ի հունիս ամսվա ԱԱՀ-ի հաշվարկից, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170³ հոդվածով:

Էլեկտրոնային փոստի միջոցով կողմը ծանուցված լինելով չի ներկայացել, ներկայացրել է դիմում այն մասին, որ ծանուցագրում նշված հարկային պարտավորությունները ամբողջությամբ մարվել են 31.07.2023թ. և խնդրել են չենթարկել վարչական պատասխանատվության:

ՀՀ հարկային օրենսգրքի 33-րդ հոդվածի 1-ին մասի 1-ին կետի համաձայն՝ հարկ վճարողները պետք է Օրենսգրքով այլ բան սահմանված չլինելու դեպքում Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում՝ ինքնուրույն հաշվարկել և կատարել իր հարկային պարտավորությունները՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված դեպքերում և կարգով կատարելով նաև հարկի և (կամ) վճարի կանխավճարներ:

Նույն օրենսգրքի 78-րդ հոդվածի 1-ին մասի համաձայն՝ ԱԱՀ վճարողները Օրենսգրքի 70-րդ հոդվածով սահմանված կարգով հաշվարկված՝ պետական բյուջե վճարման ենթակա ԱԱՀ-ի գումարները պետական բյուջե են վճարում մինչև յուրաքանչյուր հաշվետու ժամանակաշրջանին հաջորդող ամսվա 20-ը ներառյալ՝ որպես հարկային մարմնին վճարվող գումարներ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Սեդա Կարապետյանը 2023թ-ի հունիս ամսվա ԱԱՀ-ի հաշվարկից առաջացած գումարը մարել է ՀՀ հարկային օրենսգրքով սահմանված ժամկետից ուշ՝ 31.07.2023թ. (վերջնաժամկետ՝ 20.07.2023թ.):

Ելնելով վերոգրյալից հարկ է նշել, որ Սեդա Կարապետյանի կողմից ներկայացված հանգամանքները հիմք չեն հանդիսանում պատասխանատվությունից ազատելու համար, վերջինսը պարտավորություն է կրում հարկային պարտավորությունների վճարման ժամկետները կարգավորող իրավական ակտերի պահանջներին համապատասխան հարկային պարտավորությունները ինքնուրույն կատարելու համար, ինչպես նաև նշված նորմերը խախտելու համար անհատական պատասխանատվություն է կրում օրենքով սահմանված կարգով:

Այն փաստը, որ Սեդա Կարապետյանի կողմից իրավախախտում մեկ տարվա ընթացքում կատարվել է կրկին անգամ, սույն գործով դիտվում է որպես պատասխանատվությունը ծանրացնող հանգամանք (19.09.2022թ. թիվ 478097 որոշում):

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին կետով՝
ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի՝ Սեդա Կարապետյանի նկատմամբ կիրառել վարչական տույժ՝ նշանակել տուգանք 20.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄԵԱՅՈՒԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհամարներին. 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը: